

ԽՈՐԱՆԱՇԱՏԻ ՀԱՐՏԱՐԱՊԵՏԱԿԱՆ ՀԱՄԱԼԻՐԸ

ՀՐԱՉՅԱ ՔԱՐՏԱՇԱՆ

Խորանաշատի ճարտարապետական համալիրը միջնադարյան Հայաստանի կառուցողական արվեստի լավագույն նմուշներից է: Այն դրսևորում է ՀՍՍՀ Շամշադինի շրջանի Չինարի գյուղից սուտ հ, ԿՍ արևելք, անտառապատ արևմտահայաց սարալանջի ոչ մեծ տափարակում՝ «Շանդէպ Երզնանից բերդին ե ի թիկանց Գարգմանյա»¹: Համակառուցը XIII դ. սկզբին հիմնադրել է մեծահամբավ վանական Վարդապետը (1181—1251)²: Մատենադարանի մեջ համալիրի կառուցման վերաբերյալ վաղ հիշատակությանը հանդիպում ենք Կիրակոս Գանձակեցու մոտ³, Հևտագայում համալիրին անդրադարձած հեղինակների դործերում Խորանաշատի մասին խոսվել է խիստ հպանցիկ: Դրանց մեծ մասում հուշարձանախմբի տեղագրությունը, ճարտարապետությունը, թվագրումը, առանձին վրձարար արձանագրություններ և այլն ներկայացված են ակնհայտ վրիպակներով: Հեղինակների զգալի մասը օգտվել է Գանձակեցու հաղորդած տեղեկություններից է. «Հայսմավուրք» մոզովածոններում տեղ գտած վանականի վարքադրությունից, Մ. Բարխուդարյանի «Արցախում» բերված նյութերից⁴ (Ղ. Խնճիճյան⁵, Ս. Ջալալյան⁶, Կ. Կոստանյան⁷, Փաշիկյան⁸, Հ. Ոսկյան⁹ և այլք): Մասնագիտական տեսանկյունից համակառուցին հակիրճ անդրադարձել են Կ. Ղաֆադարյանը¹⁰, Ա. Յակոբսոնը¹¹, Վ. Հարությունյանը և Ս. Սաֆարյանը¹², Ս. Մնացականյանը¹³, Ն. Տոկարսկին¹⁴, Հ. Խալփախյանը¹⁵, Թ. Սիլվեստրեն¹⁶,

¹ Կիրակոս Գանձակեցի, Պատմություն Հայոց, աշխատասիրություն Կ. Ա. Մե-
լիք-Օհանջյանի, Երևան, 1961, էջ 341:

² Վանական Վարդապետի մասին տե՛ս Համագրասպ Ոսկյան, Հովհաննես Վանական
և յուր դպրոցը, Վիեննա, 1922:

³ Կիրակոս Գանձակեցի, էջ 346—347:

⁴ Մակար Բարխուդարյանց, Արցախ, Բաքու, 1895, էջ 322—324, նույնի՝
Պատմություն Աղվանից, հ. Ա, Վաղարշապատ, 1902, էջ 194—195:

⁵ Ղուկաս Խնճիճյան, Ստորագրություն հին Հայաստանյանց, Վենետիկ, 1822, էջ
313—314, նույնի՝ Հնախոսություն աշխարհագրական Հայաստանյանց աշխարհի, հ. 3, Վե-
նետիկ, 1835, էջ 213:

⁶ Սարգիս Ջալալյանց, Ճանապարհորդություն ի մեծն Հայաստան, մասն Ա, Տըփ-
ղիս, 1822, էջ 161—162:

⁷ Կ. Կոստանյանց, Հայոց վանքերը, Մոսկվա, 1886, էջ 62—63, նույնի՝ Վրձական
տարեգիր, Ս. Պետերբուրգ, 1913, էջ 59, 62, 63, 65:

⁸ «Արձագանք», 28. II. 1888, էջ 87—88:

⁹ Համագրասպ Ոսկյան, նշվ. աշխ., էջ 7, նույնի՝ Արցախի վանքերը, Վիեննա,
1953, էջ 148—160:

¹⁰ Կարո Ղաֆադարյան, Պատմահնագիտական դիտողություններ Նոր-Բերդի Կյու-
րիկյան իշխանության մասին (Արմֆանի «Տեղեկագիր», 1940, № 4—5, էջ 173—174):

¹¹ А. Л. Якобсон, Очерки истории зодчества Армении V—XVII веков, М.—Л.,
1950, с. 116:

¹² В. М. Арутюнян, С. А. Сафарян, Памятники армянского зодчества, М.,
1951, с. 63:

¹³ С. Х. Мнацаканян, Архитектура армянских притворов, Ереван, 1952, с. 9,
15, 21, 53, 60, 62, 63:

¹⁴ Н. М. Токарский, Архитектура Армении IV—XIV вв., Ереван, 1962, с. 11:

¹⁵ Հ. Խալփախյան, Դպրոցներն ու գրատները միջնադարյան Հայաստանում («Եղ-
միածին», 1963, ժԲ, էջ 24), նույնի՝ Гражданское зодчество Армении, 1971, с. 42,
113, 116, 118, նույնի՝ Архитектурные ансамбли Армении, М., 1980, с. 413—418:

¹⁶ T. Scallese, Il convento di Xorakert, ATTI, Primo Simposio Internazio-
nale di arte Armena, San Lazzaro-Venezia, 1978, p. 620, 623, 639:

9. Յոննակուն17-ը եւ որիշներ, Հուշարձանախմբի մասին գրել է նաեւ Վ. Վանյանը՝ խիստ կար-
աւոտաւ եւ սխալաշատ հոգովածով փորձելով տալ կառույցների նկարագրութիւնը18:

Համալիրին անդրադարձած հեղինակների մեծ մասը վաճառի «Խորանաշատ» անունը կապում է ղլխավոր եկեղեցու ավագ խորանի բազմախորշ կիսաբաղրակ պատի հետ¹⁹։ Սակայն նկատենք, որ Անիի Մայր տաճարում (989—1001), Մարմաշենի (988—1029), Մակարավանքի (1205), Գռչավանքի ս. Գրիգոր (1137—1241), Վրացական ՍՍԷ-ում գտնվող Մցխեթի Սվետի-ՅիսովԼու (1010—1029), Ալավերդու (XII դ.), Զաչուրի²⁰ և այլ համալիրների եկեղեցիներում նույնպես առկա է հարդարանքային այդ սկզբունքը, բայց դրանցից և ոչ մեկի անունը չի բրխել այդ առանձնահատկությունից։ Հետևապես դժվար է, Լինելով շինության զուտ կառուցվածքային առանձնահատկություններից, հիմնավորել խնդրո առարկա հուշարձանախմբի անվան ծագումնաբանությունը։ Այս առումով արժեքավոր անդեղեկություններ է թողել Կիրակոս Գանձակեցին։ Նա վկայում է, որ վանքն իր անունն ընկալելն է մերձակայքում Լոռա բազում եկեղեցիներից (իմա՝ դրանց խորաններից)²¹։

Խորանշատի վանական Դամախը բաղկացած է ս. Աստվածածին, ս. Կիրակի, ս. Չոսովոր Լկեղեցիներից, առաջինին կցված զավթից ե շրջակայքում գտնվող այլ շինություններից, որոնց միայն ավերակներն են պահպանվել:

Ս. Ասավաճանձին եկեղեցին համալիրի գլխավոր շինությունն է, որն իշխող դիրք ունի հուշարձանախումբում և շրջակա միջավայրում։ Պատկանում է ժամանակին տարածում գտած գմբեթավոր դահլիճ տիպին և արտաքինից ուղղանկյուն (12,7×11 մ), ներքուստ իաչաձև հատակաղբժով, բևեռ նրկու կողմերում տեղադրված կրկնաճարկ ավանդատներով կառույց է։ Եկեղեցու հիմնադրման ժամանակի մասին մատենագրական և վիճագրական աղբյուրներում ոչինչ չի վկայված։ Հայտնի է միայն, որ նրա արևմտյան մուտքը կառուցվել է 1211 թ.²¹ Ոմն Սեբոբի ծախսերով։ Այդ մասին հիշատակություն կա նշված մուտքի վերին մասում²²։ Երևարարական մուտ և վկայագրեր վերաբերում են 1216 և 1220 թթ., ըստ որոնց Վահրամ Կանաչդեցին և Ավելյառ Սրտածինին հուղացել են ավանդատներից երկուսի կառուցման ծախսը²³։ Պետք է կարծել, որ եկեղեցու մուտքը չէր կարող առանձին կառուցվել. նրա հետ, անկասկած, զուգահեռաբար բարձրացվել են հարակից պատերը, հակառակ դեպքում շինարարական և կոնստրուկտիվ ընդունված սկզբունքները նխախտվեին։ Ելնելով այս հանգամանքից, խնայան նաև նկատի ունենալով ճարտարապետական բարդ տարրերի առկայությունը (որմնապույուններ, հարդարանքային միջոցներ և այլն), պետք է պնդել, որ եկեղեցու շինարարությունը սկսվել է 1211 թ. առաջ։ Հայտնի է, որ Վանական Վարդապետը որպես Մխիթար Գոշի աշակերտ, նրա հետ մասնակցել է Լոռիի և Անիի 1204, 1205 թթ. ժողովուրդին²⁴։ Այսպիսով, 1205 թ. որպես եկեղեցու կառուցման սկիզբ պետք է բացառել, քանի որ այդ ժամանակ Վանականը դեռևս աշակերտում էր Գոշին²⁵։ Հետևաբար, եկեղեցին սկսել է կառուցվել 1206—1210 թթ. արանքում։ Ս. Զալայանը վրիպում է, երբ վանքի կառուցման սկիզբ

¹⁶ «Հայ արվեստին նվիրված միջազգային երկրորդ սիմպոզիում, զինուցումների ժողովածու», Հ. II, Երևան, 1978, էջ 322—329:

18 Վ ա հ ա ն Վ ա ն յ ա ն, Շամշադինի հուշարձան-վանքերը («Էջմիածին», 1980, ժԲ, էջ 46—48):

¹⁹ Մարգրիտ Զաւակչեան, նշ. աշխ., էջ 161, Միհր Բարսեղյան, Մարգարիտ Զաւակչեան, էջ 322, В. М. Арутюнян, С. А. Сафарян, նշ. աշխ., էջ 63, О. Х. Халпахчьян, Архитектурные ансамбли Армении, М., 1980, с. 414.

²⁶ Wach tang Berids e, Edith Neubauer, Die Baukunst des Mittelalters in Georgien, Berlin, 1980, S. 114—119, III. 86.

21 Կ Ի ր ա կ ու Գ ա ն ձ ա կ ե ց ի, էջ 346: Այս հանդամանքի վրա ուշադրություն են դարձրել Ղ. Ինժեճյանը (Ղ ու կ ա ս Ի ն ճ ի ճ յ ա ն, Ստորագրություն հին Հայաստանյանց, էջ 313) և Հ. Էփրիկյանը (Հ. Ս. Է փ Ր ի կ յ ա ն, Պատկերազարդ բնաշխարհիկ բառարան, հ. 2, Վենետիկ, 1907, էջ 202):


22 Կարո՞ղ ասե՞ք պարզապէս, նշմ. հոգմ., էջ 173:

23. Նույն տեղում, էջ 174:

²⁴ Կիրակոս Գանձակեցի, էջ 171, 178, «Հայ ժողովրդի պատմություն», Հ. III, Երևան, 1976, էջ 807:

[illegible]

րը համարում է 1191 թ.²⁶, բանի որ Կյուրիկն IV-ի թողած արձանագրության համաձայն, վանականը կոչված է ըի խամո շինող վանից²⁷։ Դա աներկբայորեն ապացուցում է, որ վանքը հիմնադրվել է այլ կառույցներից առաջ տեղում²⁸։ Լ. Ոսկյանը իր հերթին, չլինելով հուշարձանախմբում, տեղյակ չի եղել Սերոբի արձանագրությանը և օգտվել է վահրամ Կանալոզեցու վի-



1 2 3 4 5 6 7 8 9 10
մմ

Նկ. Ձ6 1 հորանաշատ. ս. Աստվածածին եկեղեցու, գավթի և ս. Կիրակի եկեղեցու հատակագիծը։

մագրից, որը և նրան հիմք է տվել կարծելու, թե եկեղեցին կառուցվել է 1216 թ.։ Նա միաժամանակ միտք է հայտնում, որ այն կարող էր կառուցվել նաև 1216 թ. առաջ, եթե Քաշիկյանը ձիշտ վերծանած լինի 1211 թվականը²⁹։ Եկեղեցու կառուցման վերաբերյալ Լ. Ոսկյանի ոչ ճիշտ տեսակետը ընդունել է Կ. Մելիք-Օհանջանյանը³⁰։ Ինչ վերաբերում է եկեղեցու կառուցման ավարտի ժամանակին, ապա դա նույնպես չի վկայված աղբյուրներում։ Այդ մասին ենթադրական տեղեկություններ ենք քաղում մյուս երկու շինարարական արձանագրությունների թրվականներից (1216 և 1220)³¹։ Հիմքեր չկան ենթադրելու, որ եկեղեցու կառուցումը քաղաքական կամ այլ պատճառներով ընդհատված եղած լինի, քանի որ Զալալ էդ-Դինը հորանաշատը ավերել է 1228/29 թ.³²։ Պետք է ընդունել, որ եկեղեցու կառուցումն ավարտվել է ամենաուշը 1221 թ.։ Այդ կարծիքի օգտին է խոսում այն փաստը, որ արդեն 1222 թ. գավթի շինարարությունը սկսվել էր, որի մասին վկայում են նրա առաջին հարկի ավանդատների նշված թվակիր արձանագրությունները, իսկ գավթը կից է եկեղեցուն։ Դա նշանակում է, որ 1222 թ. եկեղեցու շինարարությունն ավարտված էր։ Հայտնի է նաև, որ 1223—1224 թթ. եկեղեցին արդեն գործող էր։ Դրա ապացույցն են հորանաշատում դրվագրված

26 Ս արգիս Զալալյանց, նշվ. աշխ., էջ 161։ Այդ սխալի վրա ուշադրություն են դարձրել Կ. Ղաֆադարյանը (Կարո Ղաֆադարյան, նշվ. հոդվ., էջ 174) և Լ. Ոսկյանը (Համազասպ Ոսկյան, Արցախի վանքերը, էջ 154)։

27 Կարո Ղաֆադարյան, նշվ. հոդվ., էջ 175։

28 Մեծ թափի մեկնարանությունը քննվող նշանակությամբ տե՛ս Ս. Ա. Ավագյան, Վիժական արձանագրությունների բառարանություն, Երևան, 1978, էջ 319—322։

29 Համազասպ Ոսկյան, Արցախի վանքերը, էջ 154։ Իրականում Քաշիկյանը հրատարակել է Սերոբի արձանագրությունը (Արձագանք, 28. 11. 1888, էջ 88)։

30 Կիրակոս Գանձակեցի, առաջարան, էջ ԺԴ։

31 Պետք է ենթադրել, որ 1220 թ. վերաբերում է ոչ թե ավանդատան կառուցմանը, այլ Սրտմեցու կողմից եկեղեցուն միաբանելու ժամանակին, որտեղ նա նշել է նաև կառույցին իր մատուցած ծառայության մասին։ Այդ ավանդատան շինարարությունը ևս, հավանաբար, սկսվել է մյուսի հետո՝ 1216 թ.։ Հակառակ դեպքում պետք է ընդունել, որ մինչև ավանդատների մակարդակը շինարարությունը տե՛ս է ավելի քան 10 տարի, իսկ դրանցից վերև գտնվող համեմատաբար բարդ մասերը՝ գմբեթը, թաղերը, ավագ խորանի գմբեթաղը, տանիքները և այլն, որոնք շինքի ընդհանուր ծավալի ծանրակշիռ մասն են կազմում, կառուցվել են 1 տարում, որն անհավանական է։

32 Աբտալ Ես Եահնազարյան, Վահրամյանների իշխանությունը մոնղոլների հետախուզական արշավանքի և Զալալ էդ-Դինի նվաճումների ժամանակ (ՀՍՍՀ ԳԱ Երաբեր հասարակական գիտություններ, 1980, № 6, էջ 61), նույնի՝ Վահրամյանների իշխանությունը մոնղոլների տիրապետության օրոք (ՀՍՍՀ ԳԱ Երաբեր հասարակական գիտություններ, 1983, № 12, էջ 31—32)։

1223 և 1234 թվակիր հիշատակարաններով երկու ձեռագրերը³³, ինչպես վկայում են գլխավոր եկեղեցու մի քանի արձանագրություններ այն նվիրված է ս. Աստվածածնին:

Եկեղեցու հյուսիսային և հարավային պատերի արևմտյան կողմերից դուրս են ընկած նիստավոր որմնամույթեր, որոնք ավարտվում են լարգ տրամատի խոյակներով, Վերինների շարունակությունը կազմող հորիզոնական գոտիները թաղերն անշրպետում են ուղղահայաց պատերից, իսկ աշագ խորանի կիսագլանաձև մակերևույթը՝ գմբեթարդից: Որմնամույթերը միմյանց հետ հաշորպար կապված են կիսաշրջանագծային կրկնակի կամարներով, որոնց ստեղծած քառակուսի հիմքից առաջատային փոխանցումների միջոցով բարձրանում է բոլորաձև կտրվածքով



Ուղղակի: Նրա ստորին մասն ընդգծված է ճոխ նկարվածքի գոտիով: Եկեղեցու ներքին տարածությունը բարձր գեղարվեստական արտահայտչականությամբ է հաղորդում ավագ խորանի կիսաբոլորակ պատի հարդարանքը: Վերջինս դրավոր հարթության ստորին մասի խորանիկներ հիշեցնող մշակումների շարք է (ընդամենը 12 խորանիկ)³⁴: Դրանք միմյանցից բաժանված են ղույղ կիսասյուներով, որոնք կապված են որմնակամարներով: Վերջիններս խորանիկներին տալիս են կամարակապ վերջավորություններ՝ միաժամանակ պարփակելով դրանց շքաքարային ավարտամասերը: Դրանք պսակված են ղլանիկային ձևափոխումներով նկարված անկյունակների անընդհատ շղթայով: Եկեղեցու բնի ճակատային հարթությունը մշակված է եղել քառաթև սրածայր վեցանկյունների և քառակուսի քարերի որոշակի համադրությամբ ընդելուզումներով (այժմ դրանց քիչ մասն է պահպանվել): Քարերն ունեցել են բնական տարբեր երանգավորումներ: Իր մշակմամբ հատկապես հետաքրքրական է ա-

նկ. № 2 ս. Աստվածածին եկեղեցին արևելքից: րևմտյան մեծ թաղը, որի կենտրոնական մասում, որպես հանգուցաքարեր, ազդեցված են 4 ղույգ կեոխաշ՝ տեղագրված երկու շարքով: Ցուրաքանչյուր կեոխաշ բաղկացած է 4 Դ-տևե քարից, որոնք մեկումեջ սե կամ սպիտակ են: Որպես հաղերժության նշանների տարատեսակ, ճիշտ նման սկզբունքով, սակայն այլ նկարվածքով կեոխայեր կան Անիի սմբատյան պարիսպների վրա³⁵: Կասկած չունենալով, որ դրանք ստեղծվել են պարիսպների հետ միաժամանակ (համեմատյունից գոյություն են ունեցել մինչև XIII դ. սկիզբը, երբ Ջաքարյանները զարկ էին տվել դեռևս XI դ. սկսված պարիսպների վերականգնման աշխատանքներին³⁶), կարող ենք ընդունել, որ դրանցից ուղղակիորեն բխել է Խորանշատի քննվող հարդարանքային ձևը (նկատենք, որ այդ սկզբունքը հայտնի է եղել նաև Դվինում՝ Իրավանացի թագավորի սալերի վրա³⁷): Խորանշատում կեոխաշերը ստացել են նոր մեկնաբանություն: Դրանք հարդարանքային միջոց լինելուց զատ, ունեն նաև կոնստրուկտիվ նշանակություն: Այստեղ նորույթ է կեոխաշերը շարքերով ներկայացնելու ձևը, որի ակնհայտ կրկնություն է Շրխ-

33 Մ. Մաշտոցի անվան մատենադարան, ձեռ. № 2101, 4823:

34 Ներառվում է, որ հարդարանքային այդ սկզբունքը հանդես է եկել IX—XI դդ. մի շարք կառույցներում (Ս. Խ. Մ. Ն. ա. ց. ա. կ. ա. յ. ա. ն, Վարպետաց վարպետներ, Երևան, 1982, էջ 116): Հ. Խալիֆախյանը կարծում է, որ այն սկզբնավորվել է Սանահնի Ամենափրկիչ եկեղեցում (Օ. Խ. Խալիֆախյան, Сананин, М., 1973, с. 29, նույնի՝ Творческие методы древнеармянских зодчих на примере памятников Сананина («Архитектурное наследство», М., 1974, № 22, с. 83).

35 «Ani documents of armenian architecture» № 12, Milan, 1984, III. 57, 38.

36 Վարպետաց վարպետներ, Անի քաղաքը, Երևան, 1964, էջ 45—48: Ծնթադրվում է, որ այդ կեոխաշերը քաղաքի տարբեր մասերի զինանշաններ են եղել («Ani, documents of armenian architecture» № 12, p. 76. 101):

37 Կարա Ղաֆադարյան, Դվին քաղաքը և նրա պեղումները, հ. 1, Երևան, 1952, էջ 135:

մուրադ վանքի (Շամշադինի շրջանում) գլխավոր եկեղեցու (XIII դ. երկրորդ կես) բնմի ճակատային մասի հարդարանքը:

Եկեղեցու ներքին տարածքը լուսավորվում է 12 պատուհանով, որոնցից ավագ խորանի մեջ լուսնադ զույգ է, իսկ որմնամուկներով պարփակված արևմտյան մասերին՝ շրջանաձև լուսամուտներից վեցը գտնվում է թմբուկի վրա: Դրանք ուղադրավ են իրենց դասավորությամբ՝ երկրի հիմնական առանցքների նկատմամբ մոտ 0,5 մ տեղաշարժված են սթենդ-հարավ, արևմուտք-հյուսիս ուղղությամբ: Զորիզոնական հարթության մեջ բացվածքների ոչ մեծ պտույտը կառուցողական շեղում չպետք է ընդունել: Դրա շնորհիվ լուսամուտներն արևի նկատմամբ ավելի նպաստավոր դիրք են ստացել՝ ապահովելով լույսի առավել ներթափանցումը եկեղեցի:

Եկեղեցին արտաքինից առանձնանում է ճարտարապետական հստակ լուծումներով և հարդարանքային ինքնատիպ միջոցներով: Բացի արևմտյանից, մնացած ճակատներում այն ունի երկուական խորշեր: Դրանք ունեն միատեսակ աստիճանաձև անցումներով կտրվածք, որն ակնհայտորեն աղերսվում է Անիի Մայր տաճարի համանման խորշերի հետ (Մարմաշենի գլխավոր եկեղեցու խորշերը ևս իրականացված են այդ սկզբունքով): Ենդրո առարկա եկեղեցու շուրջ բոլորն անցնում է բարդ տրամատի անընդհատ գոտի, որը զանազան ձևափոխումներով (պահպանելով տրամատը) խորշերի համար ծառայում է որպես կիսաշրջան պսակներ, իսկ ճակատների կենտրոնական մասերում վեր է ածվում խոշորաչափ, տարբեր նկարվածքներով խաչերի: Գոտին տեղադրված է այնպիսի մակարդակների վրա, որ անցնում է միաթեք լանշերի տակով՝ դրանց համար ծառայելով որպես քիվեր: Կառույցը բոլոր կողմերից գոտեորեն շրջված սկզբունքի արմատները նկատելի են դեռևս վաղ միջնադարում կառուցված որոշ շենքերի վրա, որոնք իրենց հերթին անտիկ ճարտարապետական ձևերի ծնունդ են և ապա՝ հայկական շինարարական արվեստի ընդունելի գծերից մեկը³⁶, նկատենք, որ հայկական ճարտարապետության բոլոր փուլերում գոտիները մեծ մասամբ կիրառվում էին հատվածաբար (բացառությամբ ուշ միջնադարյան որոշ շինությունների)՝ որպես կառույցների բացվածքների կամ խորշերի պսակներ: Եթե Տեկորի տաճարում այն շրջանցում էր բոլոր պատերը (բացի արևելյանից, որի ելուստավոր ծավալները, ինչպես ենթադրվում է, ավելացվել է հետագայում³⁷), ապա Թալինի մեծ և Սիսավանի եկեղեցիներում (VII դ.), Արուճի և Երիզավանի տաճարներում (VII դ.), Տաթևի Պողոս-Պետրոս և Աղթամարի եկեղեցիներում (X դ.), ինչպես նաև զարգացած միջնադարի մի շարք կառույցներում (Նոր Վարդապետանք, Եփեսոս, Հաղթանք, Հաղարծին և այլն) գոտիներն անընդհատ շինվել են հարդարում են առանձին ճակատները: Գոտիներն ամբողջական տեսքով հանդես են գալիս Անիի Արուշամբենց (ս. Գրիգոր, X դ.) և Մակարավանքի փոքր եկեղեցու (ս. Աստվածածին, 1198 թ.) բոլորակ արտաքին մակերևույթին: Սակայն հորանաշատի դիտարկվող ճարտարապետական տարրն էպպես տարբերվում է մնացած բոլոր հուշարձաններում կիրառված համանման ձևերից. այն արտահայտվում է ինչպես կառույցին գոտու հաղորդած կերպարային ինքնատիպությամբ, այնպես էլ որպես քիվ նրա ունեցած գործառական նշանակության մեջ: Այս վերջին հանգամանքն իր նախորդին ունի Կեղտիսի գլխավոր եկեղեցու (1003) արևելյան ճակատի հարդարանքային ձևերում, որտեղ, սակայն, գոտու և քիվի հարաբերակցությունը պայմանավորում է պատի հարթության զուտ կերպարային հատկանիշներից մեկը միայն (գոտին և քիվն ունեն տարբեր տրամատներ և միայն ընդհանուր նկարվածքով է, որ ընկալվում են ամբողջական, որպես միմյանց շարունակություն): Քննվող եկեղեցու արևելյան ճակատի զույգ լուսամուտից (որն ունի շքեղ երեսակալ) վերև, խաչի ստորին թևի կիսաշրջանաձև հիմքի մեջ ներկայացված է ճանկերով որս բռնած թևատարած արծվի պատկերաքանդակ, որն աչքի է ընկնում պատկերման հստակությամբ և զուրկ է քանդակային մանրամասնություններից: Հետաքրքիր է, որ ի տարբերություն նույն թեմատիկայով պատկերաքանդակների, որտեղ արծիվների որսը սովորաբար որևէ հեղ կենդանի է՝ ոչխար (Գեղարդում, Մակարավանքի գավթում, Անիի սլավոնական եկեղեցու որմնասյուներից մեկի խոյակին), եղնիկ (Նորավանքում), նապաստակ (Քուրախի Բագրատի տաճարի հարավային սրահի արևմտյան սյան խոյակին) և այլն, խորանա-

³⁶ Վ. Մ. Հարությունյան, Անտիկ ավանդույթների ժառանգորդությունը միջնադարյան հայ ճարտարապետության մեջ («Պատմա-բանասիրական հանդես», 1983, № 4, էջ 17), Т. А. Измайлова, Связи архитектурного декора грузинских и армянских памятников XIII века («IV международный симпозиум по грузинскому искусству», Тбилиси, 1983, с. 1).

³⁷ Թ. Թորանյան, Տեկորի տաճարը, Բիֆլիս, 1911, էջ 10—37:

շատում արծվի ճանկերում գիշատիչ կենդանի է պատկերված՝ գալլ կամ հովազ, որն ակներև է ինչպես նրա բաց երախից և ճկուն ու շլապինդ մանրամասներից, այնպես էլ վերջավորությունների կազմախոսությունից (առջևի ոտքերը ծնկահոդից ծալված են դեպի վերև)⁴⁰։ Խորանաշատի արծվաօսնդակը մշակման ընդհանուր գծերով հիշեցնում է Անիի Մայր տաճարի հարավային ճակատին տեղադրված երկու միանման արծիվների պատկերաքանդակները։

Եկնղեցու ճակատների նշված գոտիով կազմավորված խաչերից արևելյանն ուղղաթև է, իսկ հյուսիսայինը և արևմտյանը՝ գեղարդած, որոնք ընկալվում են որպես յուրատեսակ խոշոր ծաղկապատկերներ (արավային ճակատի խաչից պահպանվել է միայն ստորին հատվածը)։ Ծակատների յուսաստուններն ունեն գոտու տրամատը հիշեցնող ուղղանկյուն շրջանակներով երեսակային և հիշյալ խաչապատկերների հետ դնում են հորինվածքային փոխկապվածություն մեծ։ Եկնղեցու մուտքերն ունեն միանման հորինվածք՝ բնորոշ XII—XIV դդ. հայկական աշխարհիկ և կրոնական կառույցների մուտքերին⁴¹։ Արտաքուստ դրանք եզերված են ուղղանկյուն քանդակազարդ շրջանակներով, իսկ բուն բացվածքները՝ նուրբ կիսասյուների վարավորները հարկաբերված են հյուսիսայինում՝ քառաթև և շեղաձև, իսկ արևմտյանում վեցաթև աստղերի տեսքով բտրերի ընդլուզումներով՝ պահպանելով գունային ընտրությունը (կանաչ և կարմիր)։ Եկնղեցու թմբուկը շրջառում են բարդ տրամատի եզրավորումներով 12 որմնակամարներ, որոնցում մեկուսից բացված են նեղ ու ձիգ պատուհանները։ Այն նման հարդարանքով մյուս հուշարձաններից (Տիգրան Հոնենցի ս. Գրիգոր, Գեղարդի, Մակարավանքի, Հաղարծինի և այլ համալիրների՝ եկնղեցիներ) տարբերվում է որմնակամարների խորաքանդակ ձևի ընտրությամբ, որի շնորհիվ գմբթի զանգվածը զգալիորեն փոքրացել է։ Դա, անկասկած, դրական է անբաղաճում կառույցի կոնստրուկտիվ աշխատանքի վրա։ Թմբուկը համալսական կառուցվածքով և ճարտարապետական հարդարանքով համահունչ է շինության մյուս ծավալների հետ։

Դռվիքը կից է գլխավոր եկնղեցու արևմտյան ճակատին և պատկանում է կենտրոնական հորինվածքով 4 սյուների զավթիների տիպին։ Այն ուղղանկյուն հատակագծով (16,8×16 մ), արևելյան կողմում տեղադրված երկու կրկնահարկ ավանդատներով, արտաքուստ ճակտոններով լուծված կառույց է։ Գավթի հիմնադրման մասին ստույգ տեղեկություններ չեն պահպանվել։ Նակայն, ելնելով մի շարք տվյալներից, կարող ենք պնդել, որ նրա կառուցումը սկսվել է եկնղեցու շինարարության ավարտից անմիջապես հետո։ Այդ են վկայում գավթի առաջին հարկի ասանդատների բարավորների 1232 թվակրով արձանագրությունները, որոնցից հարավ-արևելյանին շինարարական բնույթի է։ Ահա այն. ԵՍ ՍԱԻՂՈՄՈՆ ՄԻԱԲԱՆԵՑԱ Ի ՎԱՆՍ ԽՈՐԱՆԱՇԱՏԻՆ ԵՆ ԵՏՈՒ ԶՍԻԱՍ ԵՆՆՈՒԹԵԱՆ ԽՈՐԱՆԱՇԱՏԻՆ ԵՆ ՎԱՐԴԱՊԵՏՆ ԶԱՍՏԱՏԵՑ Բ ԺԱՄ Ի ՏԱԻՆԻ ԱՌԱՔԵՆՈՑՆ ՊԱՆՈՍԻ ՈՂԱ (1222)⁴²։ Կիրակոս Գանձակեցու վկայությամբ գավթը ևս կառուցել է Վանական Վարդապետը⁴³։ Այս կառույցի վերաբերյալ որոշ հեղինակներ առաջ են քաշել թյուր տեսակետներ։ Լ. Խալիֆալյանը, վկայակոչելով Կ. Սարգսյանի այն հաղորդումը, որ իբրև այստեղ նախապես գոյություն է ունեցել այլ կառույց՝ «գավթի», որը եղել է կամարակապ Է. Թադաժանի՝ եկնղեցու արևմտյան ճակատին հաված երկայնական սրահի տեսքով շենք, և որը հետագայում վերափոխելով դարձրել են «մամատուն»⁴⁴, գրել է, որ այժմ հնարավոր չէ պատկերացում կազմել այդ ճանաչական շինության ձևերի մասին⁴⁵։ Այդ կարծիքը հերքվում է ինչպես գավթի նշված ավանդատան շինարարական արձանագրությամբ, այնպես էլ Կյուրի-

40 Ս. Խ. Մ. Ն. ա. ց. ա. և. յ. ա. ն., Պահպանիչ խորհրդանշանները միջնադարյան հայ քանդակագործության մեջ («Պատմա-քանդակարական հանդես», 1970, № 3, էջ 193), Մուրադ Հասարկյան, Հայ ճարտարապետության և քանդակագործության նորահայտ հուշարձաններ նորավանդում (ՀՍՍՀ ԳԱ «Լրագրի հասարակական գիտություններ», 1984, № 8, էջ 63—64)։ Ա. Բ. Շահնազարյանը մեզ հայտնեց, որ խնդրո առարկա պատկերաքանդակը հանդիսացել է Վահրամյանների իշխանական տոհմի զինանշանը։

41 Н. М. Токарьски й, Архитектура древней Армении, Ереван, 1946, с. 278.

42 Արձանագրությունը վերցրել ենք Պատմահուշ վարչության արխիվից (թղթ. № 1422, Բ. 57)։

43 Կիրակոս Գանձակեցի, էջ 346—347։

44 Նկատենք, որ «գավթի» և «մամատունը» նույնանշանակ են (Թորոս Թորամանյան, Նյութեր հայկական ճարտարապետության պատմության, գ. 1, Երևան, 1942, էջ 155, 163, С. Х. Манаканян, Архитектура армянских притворов, с. 18—22)։

45 Լ. Խալիֆալյան, Գպրոցներն ու գրպոները միջնադարյան Հայաստանում («Էքսիպիս», 1963, ԺԲ, էջ 24), Նույնի՝ Гражданское зодчество Армении, с. 113.

կե IV-ի իրագած վիճակի վկայությամբ, ըստ որի, ինչպես տեսանք, հորանաշատը հիմնադրվել է այլ կառույցներից ազատ տեղանքում: Բացի այդ, շինության վիճակների մեծ մասում (այդ թվում նաև արևմտյան կողմի, որոնք իբր հետո են ավելացվել) առկա է վանականի անուներ, որը ցույց է տալիս, որ զավթը սկզբից եկթ եղել է միասնական կառույց:

Դավթի հիմնարկումից հետո նրա շինարարությունը, ամենայն հավանականությամբ, շարունակվել է 5—6 տարի և ընդհատվել 1228/29 թ., երբ խորհրդաշահ Զալալ էգ-Դինը ավերել է հորանաշատը: Գավթի շինարարությունը շարունակվել է 1230-ական թվականների երկրորդ կեսին, մոնղոլական գերությունից վանականի ազատվելուց հետո: Եկեղեցու ներքուստ հարավային պատի արձանագրությունից⁴⁶ պարզվում է, որ 1251 թ. գավթում դեռևս շարունակվել է շինարարությունը (այդ թվականին Արճեշ գավառից ոմն Սանդիանոս օժանդակել է գավթի կառուցմանը): Սակայն պետք է կարծել, որ այդ ժամանակ գավթի կառուցումն արդեն ավարտված էր, քանի որ վանականը վախճանվել է նույն՝ 1251 թ.⁴⁷, իսկ պատմիչի վկայությամբ նա դասերն անց է կացրել այդտեղ⁴⁸: Ստեփանոսի տրամադրած միջոցները հավանաբար օգտագործվել են գավթի ներքուստ արևմտյան պատի վերակառուցման նպատակով:

Գավթի կենտրոնական մասում գտնվում են 4 միակտոր քարե սյուներ, որոնք միմյանց և հանդիպակաց որմնասյուների հետ կապված են կամարներով: Վերջինների վրա հենված են ծածկի թաղերը և երդիկային բացվածքով կենտրոնական ծածկը: Սյուներից արևմտյան երկուսը փնջաձև են, ունեն վեցական կիսասյուների՝ հար և նման Հաղարծնի գավթի (XII դ. վերջ) արևմտյան զուգ սյուներին: Գավթի ավանդատների մոտ՝ եկեղեցու արևմտյան մուտքի աջ և ձախ կողմերում, տեղադրված են երկու բարձր պատվանդաններ: Դրանք, ի տարբերություն այլ կառույցների համանման ձևերի (Հովհաննավանք, Սաղմոսավանք, Դեղարդ և այլն, որոնց վրա խաչաքարեր են ցուցադրված), նախատեսվել են երկրորդ հարկի ավանդատների բարձրանալու համար: Պատվանդանների մոտ հավանաբար եղել են շարժական սանդուղքներ (այդպիսիք պահպանվել են Կնչառիսի, Գոշավանքի գավթիներում և այլուր):

Գավթի ներքին ճարտարապետական հորինվածքի՝ և կերպարի ստեղծման մեջ էական դեր ունեն արևմտյան պատի հարդարանքը և կենտրոնական ծածկի կառուցվածքային ձևերը: Արևմտյան պատը եկեղեցու ավագ խորանի օրինակով պատված է 12 զեղակերտ խորշերով՝ վեցը մուտքից աջ, մյուս վեցը՝ ձախ: Դրանք գեոմետրիկ, շթաքարերով ավարտված և զանդակավոր շրջանակներով եզերված (վերևում կամարային անցումներով), եկեղեցու համանման տարրեր հիշեցնող խորանաձև կերտվածքներ են: Վերջիններիս վերևում անցնում է ոչ բարդ տրամատով գոտի, որը, երկկենտրոն շրջագծի վերածվելով, եզերում է մուտքի բարավորը, նշված պատը, ինչպես և դրանից դեպի սյուները ձգվող կամարները, լրացուցիչ շարվածք են: Մուտքի բարավորին պատկերված է հավերժության նշան (կիսագնդի վրա), իսկ դրանից վերև՝ պատին ազուցված պատվանդանին, երկու առյուծի և մարդու պատկերաքանդակ է: Առյուծները ծավալաքանդակ են՝ նստած վիճակում: Մարդը, որը պատկերված է նրանց արանքում, ներկայացված է հարթաշանդակային ձևով: Նա ամբողջ հասակով է, հագին՝ չքեղ պարեզոտ, իսկ ձեռքերով բռնել է կենդանիների պարանոցներից կապված պարաններից: Բոլոր ֆիգուրների հայացքներն ուղղված են դեպի արևելք: Այս պատկերաքանդակը մեր խորին համոզմամբ Հին Կտակարանի «Դանիելը առյուծների գրում» սյուժեի արտացոլումն է⁴⁹, որը լայն տարածում էր գտել վաղ միջնադարյան քանդակագործության մեջ⁵⁰: Նույն բովանդակությամբ մյուս պատկերաքանդակային շրջաններից, որոնք բացառապես ներկայացված են հարթաքանդակային ոճով⁵¹, խնդրո առարկա բանդակը տարբերվում է իր խորաքանդակային ձևերով: Այս թեման, անշուշտ, կապված է խորհրդապաշտական որոշակի գաղափարախոսության հետ, որը կայանում է Դանիելի մասին:

46 Կարո Ղաֆադարյան, նշվ. հոգվ., էջ 175:

47 Կիրակոս Գանձակեցի, էջ 344—348:

48 Նույն տեղում, էջ 346—347:

49 «Գիրք Աստվածաշունչի Հին և Նոր Կտակարանաց», Վենետիկ, 1860, էջ 890, 897:

50 Հենրի Ազարյան, Վաղ միջնադարյան հայկական քանդակը, Երևան, 1975, էջ 81:

51 Նիրարի Տեր-Ներսիսյան, Հայ արվեստը միջնադարում, Երևան, 1975, էջ 35, և Կարոյան, նշվ. աշխ., էջ 82, Սուրեն Մնացականյան, Հայկական վաղ Շխնադարյան մեմորիալ հուշարձաններ, Երևան, 1982, էջ 137, 153 և՛, Н. А. Алдашвили, М. М. Монументальная скульптура Грузии, М., 1977, с. 48, 52.

աշխատակիցները որպես փրկվածներ, օտար նվաճողների դեմ պայքարի խորհրդանիշ⁵² դիտելու մեջ:

Իրենց հորինվածքով եզակի են նաև դավթի հյուսիսային և հարավային կենտրոնական թաղերի հանդուցաբարերից կախված թևատարած ճախրող խոշորաչափ արծվի (հյուսիսային թաղ) և բացված երախով ու կիսով լափ դուրս հանած լեզվով օձի գլխի (հարավային թաղ) ծավալաչափականները:

Հատկապես հետաքրքրական է դավթի կենտրոնական մասի ծածկը: Կամարների ստեղծած բառապատկերի հիմքը վահանաձև առաջատեսների միջոցով վեր է ածված 12-կողանի բազմանկյան, որն իր հերթին եռանկյունաձև և սեղանաձև քարերի հնարամիտ դասավորությամբ մի փոքր վերնում դարձել է 24-կողանի հիմք: Վերջինից յուրաքանչյուր 4 կողմ մեկ դուրս են շնչողված ճեղքարային հարդարանքով եռանկյունաձև հենարաններ (ընդամենը 6 հատ), որոնց վրայից սկզբնավորվող զույգ կամարները փոխհատվելով՝ ստեղծում են վեցանկյուն բացվածքով երդիկներ: Վերջինը պսակված է եղել երկշարք շթաքարերով: Հյուսիսածո ջլաղեղային ալո համակարգը կառուցի ներքին տարածքին հաղորդում է գեղարվեստական բարձր արտահայտչականություն,



Նկ. Ֆ 3 Գավթի արևմտյան մուտքը:

միաժամանակ ապահովելով նրա կոնստրուկտիվ կայունությունը (այդ թվում նաև հակաերկրաշարժային)⁵³: Հորինվածքային այս սկզբունքը կիրառվել է Նեղուցի վանքի (XIII դ.) և Մակարայանքի գավթներում, ինչպես նաև Խորակերտի եկեղեցու գմբեթում: Քննվող ջլաղամարնեթի կառուցվածքային ձևերը բխել են ժողովրդական շինարարական արվեստի ավանդույթներից⁵⁴: Հարկ է նշել, որ փոխհատվող կամարների նման համակարգը բնորոշ է եղել արաբական ճարտարապետությանը, ինչպես նաև Լոմբարդիայի և Նորմանդիայի առանձին մի շարք եկեղեցիներին⁵⁵: Սակայն Խորանշատի գավթը դրանց հետ ոչ մի առնչություն չունի, քանի որ, ինչպես նկատել է Ս. Մնացականյանը, այդ հուշարձաններից և ոչ մեկում ալն կոնստրուկտիվ նշանակություն չունի, այսինքն՝ գրանցում բացակայում է այն արխիտեկտոնիկան, որն առկա է Խորանշատում: Հետագայում հայկական ճարտարապետության մեջ այդ սկզբունքը կիրառություն է գտել XIX դ. ա. Հովհաննես եկեղեցու (Իրան) գմբեթում, որտեղ փոխհատվող կամարներն ութ դույզ են:

Արտաքուստ նույնպես գավթը մշակված է որույն հարդարանքային ձևերով, որոնք գլխավորապես բաշխված են արևմտյան ճակատի կենտրոնական ուղղահայաց առանցքի շուրջը: Ուշագրավ է հատկապես նույն ճակատի շքամուտքը, որն իր հորինվածքով և քանդակային հարդարանքով եզակի է հայկական համանման ճարտարապետական ձևերի մեջ: Այստեղ կիրառված չէ ժամանակին լայն տարածում գտած ուղղանկյուն շրջանակը: Այն եզրավորված է օրմնակապարային ավարտվածք ունեցող զույգ գլանիկներով իրականացված երեսակալով (նրա հետ հորինվածքային որոշ ընդհանրություններ ունի Հաղպատի վանքի Համազասպի գավթի շքամուտքը)⁵⁶: Միակտոր սպիտակ քարի բարավորի երկկենտրոն կորվածքը ընդգծված է կանաչավուն, երկշերտ շթաքարային փորվածքներով: Մուտքի բուն բացվածքի եզրերում տեղադրված են բա-

⁵² Ս. Խ. Մնացականյան, նշվ. հոգվ., էջ 125:

⁵³ «Всеобщая история архитектуры», т. 3, М., 1966, с. 264.

⁵⁴ Վ. Մ. Հարությունյան, Միջնադարյան Հայաստանի մոնումենտալ աշխարհիկ ճարտարապետության ձևատեղծումների ժողովրդական ակունքները («Պատմա-բանասիրական հանդես», 1976, № 4, էջ 67):

⁵⁵ С. Х. Мнацаканян, Архитектура армянских притворов, с. 86—87; «Всеобщая история архитектуры», т. 8, М., 1969, с. 79, 94—95.

⁵⁶ «Всеобщая история архитектуры», т. 3, с. 268.

41 *Մ ա կ ա ր . Բ ա ր խ ու տ ա թ յ ա ն ց , Արցախ , է , 324 .*

չէր ունեցող պատերից արեւմտյանում գտնվում է ուղղանկյուն շրջանակով և քանդակազարդ երեսակալով շքամուտքը: Մնացած ճակատների կենտրոնական մասերով բարձրանում են զույգ կիսասյուներ, որոնք արեւելյան և հարավային ճակատներում միացած են լուսամուտների ուղղանկյուն շրջանակներին⁶² (հյուսիսայինում, որտեղ լուսամուտ չկա, կիսասյուներն ավարտվում են ուղղաթե խաչով, որին նախորդում է կորաթե խաչատկեր): Ծակատների եզրերով բարձրանում են միանակ կիսասյուներ: Հետաքրքիր են դրանց ավարտական մասերի լուծումները: Կառուցի վտր շախիւրից և կերպարային առանձնատկութիւններից կախված, որմնակամարներով միմյանց հետ կապված են ոչ թե նույն, այլ հարակից ճակատների համապատասխան անկյուններին մոտ գտնվող կիսասյուները, որի շնորհիվ հարդարանքային միջոցները հարթութիւնների վրա բաշխվել են հավասարաչափ՝ կառուցից հաղորդելով հավաք տեսք: Համանման լուծումներ ունեն նաև Գոշավանքի ս. Գրիգոր (XIII դ.) և Դեղձուտի (XIII դ.) եկեղեցիների ռեսյուսային մասերը: Ս. Կիրակի տեղադրված է ընդհանուր կտրվածքի բարձր գետնախարսխի վրա:

Վերահիշյալ երեք հուշարձանները շրջապատված են կոպտատաշ քարերով առանց շաղախի շարված պարսպապատերով, որոնք, հավանաբար, հետագայ ժամանակների գործ են: Կառուցման շրջանակում գտնվում են անարձանագիր տապանաքարեր: Եկեղեցիներից ս. Աստվածածինը և թաղիկը է վերանորոգման, որի մասին վկայում են առանձին հատվածների, աղյուսով կատարված վերաշարերը: Մեր կարծիքով, այդ նորոգումներն իրականացրել է XVII դ. վերջին թաղորդում Խորանշատի Լպիսկոպոս Հովհաննեսը, որը հայտնի է իր շինարարական գործունեությամբ⁶³:

Ս. ձգնավոր եկեղեցին գտնվում է պարսպից մոտ 150 մ արևելք: Ներկայումս կիսավեր վիճակում է, սակայն պահպանված բազմաթիվ ճարտարապետական բեկորները ցույց են տալիս, որ այն հատակաքանդակ (արտաքինից՝ 4,7×3,4 մ) և ծավալատարածական հորինվածքով նման է Լեղել ս. Կիրակի եկեղեցուն: Ս. Ճգնավորի շրջակայքում կան մի քանի տապանաքարեր, որոնք վկայում են, որ այդտեղ գերեզմանոց է եղել: Կառուցի մասին վաղագույն հիշատակությունը Բռնել է Կիրակոս Գանձակեցին: Նկարագրելով Վանական Վարդապետի հուղարկավորության տեսարանը, պատմիչը գրում է. «Եւ տարեալ թաղեցին զնա ի գլուխ վանիցն յարեւելից կուռ, մոտ ի փոքրագոյն եկեղեցին, ուր էին գերեզմանք աղքատացն, զի ինքն այդպէս հրամայեաց»⁶⁴: Պատմիչի տեղեկությունները վերաբերում են 1251 թ., ուրեմն այդ ժամանակ ս. Ճգնավոր եկեղեցին արդեն գոյություն ուներ: Նրա հիմնադրման վերաբերյալ դատողություններ անելով ս. Կիրակիի Երեմիկով, կարող ենք պնդել, որ այն նույնպես կառուցվել է XIII դ. սկզբին:

Կառուցի հարդարանքային միջոցները կենտրոնացված են եղել լուսամուտների և արեւմտյան կողմում գտնվող մուտքի շուրջը: Ուշագրավ են գմբեթային փոխանցման շորս առաջատները, որոնցից յուրաքանչյուրի վրա բարձրաքանդակային ռճով պատկերված է մեկական մարդկային դեմք: Դրանք շնայած ունեն միմյանց նման շրջանաձև դիմաժառանգ և փոքր ու սրածայր մորուքներ, այդուհանդերձ օժտված են կերպարային տարրեր արտահայտություններով: Կասկած չկա, որ դրանք շորս ամբարանիչների պատկերաքանդակներն են: Բեմի ճակատային հարթությունը մշակված է եղել հյուսածո զարդաձևերով: Արտաքինից լուսամուտների վերններում տեղադրվել են զույգ պանիններից կազմված խաչեր, որոնց թևերը ավարտվել են շեղ գրգռված քառակուսիներով:

⁶² Արխիվային լուսանկարներից պարզ է դառնում, որ արեւելյան և հարավային լուսամուտների շորս կողմում եղել են կորաթե խաչեր՝ հար և նման Նոր Վարդավանքի պլապոր եկեղեցու արեւելյան և հյուսիսային լուսամուտների հարդարանքին [Ը. Կ. Քարտաշյան, Նոր Վարդավանքի ճարտարապետական համալիրը (2002 ԳԱ՝ Վերաբեր հասարակական գիտություններին, 1984, № 7, էջ 71)]:

⁶³ Հովհաննես Լպիսկոպոսը կառուցել է Չորաթան գյուղի եկեղեցին, որի մասին կա վիճագիր հիշատակություն (Մակար Բարխուտարյանց, Արցախ, էջ 328): Նրա ջանքերով են կառուցվել նաև Շամշադինի շրջանի Վերին Կարմիրաղբյուր և Բերդ գյուղերի եկեղեցիները, որոնք չեն պահպանվել («Արձագանք», 28. II. 1888, էջ 88):

⁶⁴ Կիրակոս Գանձակեցի, էջ 348: Հարկ է նշել, որ ս. Ճգնավորի և բուն համալիրի միջև կա կոպտատաշ քարերով շինված մի մատուռ. նրա շուրջը նույնպես հին գերեզմանատուն է, որտեղ կան պարզաձև խաչատկերներով տապանաքարեր:

Ս. Ճգնավորից մի քանի մետր դեպի հարավ-արևմուտք ընկած է խոշորաշափ (3 մ երկարությամբ) թեկավոր մի խաչքար, որն ամրացված է եղել պատվանդանի մեջ: Այն, ամենայն հավանականությամբ, կանգնեցվել է Վանական Վարդապետի գերեզմանի վրա⁶⁵: Այս ենթադրության օգտին է խոսում այն հանգամանքը, որ անշուք տապանաքարերի հարևանությամբ գտնվող այդ խաչքարը բնորոշ է XIII դարին: Խաչքարն իր կառուցվածքով մոտամենտալ է և իրականացված է որոշակի համաչափական սկզբունքով: Նրա մակերևութին քանդակված է ոչ բարդ հյուսածո ձևերով խաչպատկեր: Վանականի մահարձանը գերազանց հարաբերակցության մեջ է եղել ս. Ճգնավորի հետ և կարևոր նշանակություն է ստացել ճարտարապետական միջավայրի կազմակերպման համար:

Այսպիսով, խորանաշատի ճարտարապետական համալիրը իր ծավալատարածական հորինվածքով և հուշարձանների ինքնատիպ տեղադրությամբ առանձնահատուկ տեղ է գրավում հայկական նման համակառուցների շարքում: Նրա մեծարժեք հատկանիշներից է ինչպես ազգային շինարարական ավանդույթների նոր մեկնաբանությունը, այնպես էլ քանդակագործության և կառուցողական արվեստի յուրովի համադրությունը: Խորանաշատը հայտնի է նաև իր վարդապետարանով (բարձրագույն դպրոց), որը հայ իրականությանը տվել է մշակույթի ու գիտության բազմաթիվ անվանի գործիչներ⁶⁶:

АРХИТЕКТУРНЫЙ АНСАМБЛЬ ХОРАНАШАТА

ГРАЧЬЯ КАРТАШЯН

Р е з ю м е

Один из известных архитектурных ансамблей средневековой Армении—Хоранашат—находится в Шамшадинском районе, близ села Чинари. В монастырский комплекс входили три церкви: св. Аствацацин с притвором, св. Кираки и св. Чкнавор. Их строительство началось в первом десятилетии XIII в. и завершилось в первой половине того же века. Оно осуществлено известным ученым и педагогом Ванаканом Вардапетом. Ансамбль интересен оригинальными архитектурными и скульптурными решениями. В нем прослеживается влияние анийской архитектурной школы, а также своеобразное истолкование традиций народного строительного искусства. Отдельные сооружения ансамбля имеют особенные объемно-пространственные композиции и уникальные декоративные решения. Хоранашат является также одним из значительных очагов армянской культуры прошлого. В этом вардапетаране (высшая школа) получили свое творческое крещение многие известные летописцы и библиографы.

⁶⁵ Այդ տեսակետի օգտին են արտահայտվել Ս. Ջալալյանցը (Ս ա Ր Դ Ի Ս Ջ ա լ ա լ յ ա ն ց, նշվ. աշխ., էջ 161), Կ. Կոռտանյանցը (Կ. Կ ո ս տ ա ն յ ա ն ց, Հայոց վանքերը, էջ 63), Մ. Բար-Նուտարյանցը (Մ ա կ ա Ր Բ ա Ր Ն ո ս տ ա Ր յ ա ն ց, Արցախ, էջ 324):

⁶⁶ ՇՀայ ժողովրդի պատմություն, հ. III, էջ 806: